

三原縣志
卷之拾貳

人物

三原縣志卷之十一

知縣事豐山張象魏編輯

人物

聖門多才分為四科洪河太華之精英蓋亦有六德六行焉巾幗可傳春秋之於宋伯姬也方外竒譎則又樂大李少君之流存而不削云作人物志第二十

人物一名臣

漢

吉茂字叔暢馮翊池陽人世為著姓好書不恥惡衣惡食而恥一物之不知建安初關中始平茂與扶風蘇則共

三原縣志

卷之十一

人物

一

入武巧南山隱處精思數載州舉茂才除臨汾令居官清靜吏民不忍欺轉為武德侯庠子後為武陵太守不之官轉鄴相以國省拜議郎黃初中病亡茂修行從少至長冬則被裘夏則裋褐行則步涉食則茨藿臣役妻子室如懸磬其或餽遺一不肯受雖不以此高人亦心疾不義而貴且富者先時國家始制九品各使諸郡選置中正差叙自公卿以下至於郎吏巧德材行所任茂同郡護羌校尉王琰前數為郡守不名為清白而琰子嘉仕歷諸縣亦復為通人嘉時還為散騎郎馮翊郡移嘉為中正嘉叙茂雖在上第而狀甚下云德優能少茂

愠曰痛乎我効汝父子冠幘劫人耶

三國志常
林傳汪

唐

李靖字藥師京兆三原人也隋大業末為馬邑郡丞會高祖為太原留守靖觀察高祖知有四方之志因自鎖上變將詣江都至長安道塞不通而止高祖尅京城執靖將斬之靖大呼曰公起義兵除暴亂不欲就大事而以私怨斬壯士乎太宗亦加救請高祖遂捨之武德中以平蕭銑輔公祐巧歷遷揚州大都督長史太宗嗣位召拜刑部尚書貞觀二年以本官檢校中書令三年轉兵部尚書為代州道行軍總管進擊突厥定襄城破之突

三原縣志

卷之十一

人物

二

厥諸部落并走磧北擒隋齊王暕之子楊政道及煬帝蕭后送于長安突利可汗來降頡利可汗僅以身遯太宗謂曰昔李陵提步卒五千不免身降匈奴尚得名書竹帛卿以三千輕騎深入虜庭尅復定襄威振北狄實古今未有足報往年渭水之役矣以功進封代國公此後頡利可汗大懼四年退保鐵山遣使人朝謝罪請舉國內附又以靖為定襄道行軍總管往迎頡利頡利外雖請降而內懷猶豫詔遣鴻臚卿唐儉攝戶部尚書將軍安修仁慰諭之靖謂副將張公謹曰詔使到彼虜心自寬乃選精騎齎二十日糧引兵自白道襲之公謹曰

詔許其降使人在彼未宜討擊靖曰此兵機也時不可失遂督軍疾進至陰山遇其斥候千餘騎皆俘以隨軍頡利見使者甚悅不虞官兵至也靖軍乘霧而行去其牙帳七里頡利始覺列兵未及成陣單馬輕走虜衆因而潰散斬萬餘級殺其妻隋義成公主俘男女十餘萬斥土界自陰山至于大漠遂滅其國尋獲頡利可汗於別部落餘衆悉降太宗大悅顧謂侍臣曰朕聞主憂臣辱主辱臣死往者國家草創突厥強梁太上皇以百姓之故稱臣於頡利朕未嘗不痛心疾首志滅匈奴坐不安席食不甘味今者暫動偏師無往不捷單于稽顙恥

三原縣志

卷之十一

人物

三

其雪平羣臣皆稱萬歲尋拜靖光祿大夫尚書右僕射賜實封通前五百戶又為西海道行軍大總管征土谷渾大破其國改封衛國公及靖身亡有詔許其墳塋制度依漢衛霍故事築闕象突厥內燕然吐谷渾磧石二山以旌殊勲貞觀政要本傳子德謩嗣官至將作少匠坐善太子承乾流嶺南以靖故徒吳郡靖兄端字藥王以靖功襲永康公梓州刺史唐書本傳靖弟客師右武衛將軍累戰功封丹陽郡公致仕居昆明池南善騎射喜馳獵雖老猶未衰卒年九十贈幽州都督節錄李靖傳附韓瑗字伯玉京兆三原人少負氣節博學曉吏事貞觀中

以父仲良兵部侍郎襲爵永徽三年遷黃門侍郎俄同中書門下三品監修國史進侍中兼太子賓客王后之廢瑗雪泣極諫不納明日復諫曰詩云赫赫宗周褒姒滅之臣讀至此常輟卷歎息不意今日親見此禍宗廟其不血食乎帝大怒詔引出褚遂良貶潭州都督明年瑗上言曰昔微子既去殷以亡張華不死晉不及亂陛下富有四海安於清泰忽驅逐舊臣遂不省察乎帝愈不聽瑗憂自表歸里里不報顯慶二年許敬宗李義府奏瑗以桂州授遂良桂用武地倚之謀不軌於是貶振州刺史踰年卒年五十四長孫無忌死義甫等復奏

三原縣志

卷之十一

人物

四

瑗與通謀遣使即殺之既至已死發棺驗視之還追削官爵籍其家神龍初武后遺詔復官爵

節錄唐書本傳

李朝隱字光國三原人名法中第調臨汾尉擢大理丞武三思構五王御史鄭愔請誅之朝隱以不經鞫實不宜輕用法忤旨貶聞喜令遷吏部員外郎時政出權幸不關兩省但斜封其狀付中書宣所司朝隱執罷千四百員遷長安令宦官閭興貴有所干請曳去之睿宗嘉嘆成安公主奪民園不酬直朝隱取主奴杖之由是權豪斂伏開元初遷吏部侍郎銓叙明審久之降滑州刺史徙同州擢河南尹政清嚴姦人不容息太子舅趙常奴

怙勢橫閭里朝隱執而榜辱之帝賜書慰勉授岐州刺史召為揚州都督府長史還為大理卿出為嶺南採訪處置使卒於官贈吏部尚書官給車轎北還謚曰貞節

唐書本傳

後唐

任圜京兆三原人明敏善談辯見者愛其容止李嗣昭節度昭義辟圜觀察支使梁兵築夾城圍潞州嗣昭危甚問圜去就計圜勸嗣昭堅守以待不可有二心已而莊宗破梁夾城聞圜為嗣昭畫計甚嘉之由是益知名嗣昭從莊宗敗梁兵于胡柳圜頗有功莊宗勞之曰儒士

三原縣志

卷之十一

人物

五

亦破敵耶仁者之勇何其壯也嗣昭討張文禮戰歿圜代將其軍數以禍福諭之乃送狀乞降拜工部尚書兼真定尹北京副留守知留守事為政有惠愛明年郭崇韜領成德軍節度使改圜行軍司馬同光三年罷同馬守工部尚書魏王繼岌暨崇韜伐蜀辟圜叅魏王軍事其滅表圜黔南節度使辭不就繼岌殺崇韜以圜代將其軍而旋康延孝反圜將三千人會董璋孟知祥等共擊敗延孝於漢州拜圜同中書門下平章事兼判三司是時明宗新誅孔謙圜選辟才俊抑絕僥倖公私給足天下便之與安重誨議當為相者二人相惡圜求罷職

以太子少保致仕退居磁州朱守殷反重海誣圜與守
殷連謀遣人矯制殺之圜受命怡然聚族酣飲而死後
愍帝即位贈圜太傅

節錄五代
史本傳

元

郝天挺字繼先英爽剛直有志略受業於元好問以勲臣
子忒祖召見備宿衛春官裕宗遇之厚屢遷拜中書右
丞與宰相論事有不合輒面斥之成宗崩仁宗以太后
命首定大難及武宗還自朔方遂入正大統定策之際
天挺與有力焉仁宗臨御天挺與張瓘等共議大改革
尚書省之弊遂成皇復之治又出為江西河南二省右

三原縣志

卷之十一

人物

六

丞召拜御史中丞首陳紀綱之要以獵為喻曰御史職
在擊奸猶鷹揚焉禽之弱者易獲其力大者必借人力
不然或有傷鷹之患矣帝嘉其言又疏陳七事曰惜名
爵抑浮費止括田久任使論好事獎農務本厲學養士
詔中書省舉行之尋拜河南行省平章政事河南王卜
憐吉歹為丞相待以師禮由是政化大行卒年六十七
贈光祿大夫中書平章政事柱國追封冀國公謚文定

節錄元
史本傳

按元史本居安肅州父和尚拔都魯多著武功
為河東行省五路軍民萬戶卒葬三原遂家焉

明

趙天泰三原人建元^文元年以明經為翰林編修壬午出亡

之日天泰與焉時衣葛因自稱衣葛翁又號天肖子

老死於蜀表忠記贊曰河西傭葛衣翁負羊裘乞市中夜

悲泣傷此衷謝主人死勿相火埋我西北風韓詩撰

來恭洪武中貢士拜御史擢僉都御史彈劾不避權貴有

讒恭者高皇私幸其等是其妻績綿恭方荷鋤園中遂

誅讒者面益重恭谿田通志

李節字文度永樂年以歲貢授給諫論事務存大體遷四

川副使推肅風紀氣節凜然宣德間都督陳懷鎮四川

擅作威福嘗置一簿籍列三司名銜令每日入謁次等

三原縣志

卷之十一

人物

七

作花字衆唯唯惟命節獨毅然不可袖簿出遂抗疏劾

其不法數事召懷回京衆服其剛介尋陞按察使卒載

谿田通志按家傳節來恭之壻也

段信字宗實有氣節勤學強記正統丙辰進士觀政刑部

出任杭州司李廉介不撓獄 冤滯擢御史巡按雲南

纖塵不染滇人有詩曰擔 不帶滇南物只插梅花到

要香邑人勒碑名其里曰梅香復按南北直隸監軍口

外所 風節著聞英宗 虜大舉入寇廷臣交推遷僉

都出守紫荆 移守倒馬 極力捍禦邊境賴寧遷大

理寺左寺丞載谿田通志

王恕字宗貫號介菴正統十三年進士由庶吉士授大理
左評事進左寺副條陳刑法不中者六事皆議行之遷
揚州知府發粟賑饑不待報作資政書院以課士天順
四年以治最超遷江西右布政使平戇寇憲宗嚴覈天
下方面官黜河南布政使侯臣等十三人以恕代臣成
化元年南陽荆襄流民亂擢忠撫治之會丁母憂詔奔
喪兩月即視事恕辭不許與尚書白圭共平大盜移撫
河南父憂服除總督河道浚湖修閘因災變請講求弭
災策帝為賜山東租一年畿輔亦多減免十二年雲南
鎮守中官能貪恣甚大學士商輅等議政恕左都御

三原縣志

卷之十一

人物

八

史巡撫鎮壓

陸延枝說聽云成化丁酉王公巡撫雲南

日給惟猪肉一觔乳豆一塊時菜一束醬醋水漿皆取
主家結狀出示云欲攜家僮隨行恐子民怨嗟是以
單身自來意在潔已奉公豈肯縱初能遣指揮郭景遺
人壞事人皆錄其詞而焚之

安南王黎灝珍奇諸物灝遂欲通雲南道又交于崖孟

密諸土官納金算諸臣畏匿不奏恕遣騎執景景

懼自殺因劾能私通外國罪且尽技能貪暴狀能大懼

急屬貴近召恕還怒居雲南九月疏凡二十上直聲動

天下烟霞小說云王公墳光是中岌多不法乃百方
翼中人銜之公每出行部導從者十數人而止一日公
出中人令刺客雜其中將乘隙刺之公於馬上遽曰今
從者何多人聞之欲自殺公偕三司謂之曰我所行之事
遣之中人聞之欲自殺公偕三司謂之曰我所行之事

不過為民除害耳所罪之人不過為公清惡耳與公何
涉毋用過自疑也中人乃惶恐謝罪不敢別行非義而
百姓安遷兵部尚書嚴拒請托同事者咸不悅而錢能
堵矣歸屢譖帝亦惡恕數直言命巡撫南幾雷禮列卿記云中官王敬乘傳
索奇玩恕言當此凶歲宜遣官賑濟而舊制官田徵半
乃橫求玩好耶上乃械敬下獄戮之
租民田全免後民田歸豪右官田累貧民恕乃量減官
田耗稍增之民田奏以常州羨米六萬石補夏稅又補
他府戶口鹽鈔六百萬貫所部水災奏免秋糧六十餘
萬石周行賑貸全活二百餘萬口袁談云韓魏公聞更
祖宗一法度壞祖宗
一紀綱則終口不食富鄭公知青州活饑民四十餘萬
王公自淮揚以至撫南幾其所全活以億萬計愛君憂
國之心發於至誠故知無不言言無不以億萬計愛君憂
不盡死生以之不但終日不食而已二十年復改南京

三原縣志

卷之十一

人物

九

兵部尚書時錢能亦守備南京語人曰王公天人也吾
敬事而已恕坦懷待之能卒斂戢冶城客論云王公劾
鎮守中官諸不法事
沒其部下所得金寶輸之京師勲臣世帥無不斂戢所
役官軍士民皆還部業使人至裔無敢索賄勢家假驛
傳運私貨者皆自雇林俊下獄恕言佛至千餘寺費內
役於是聲震遐邇
帑數十萬此舛也俊言當不宜罪帝不懌恕論列無少
避先後應詔陳言者二十一建白者三十九皆力阻權
倖天下傾心慕之遇朝事有不可必曰王公胡不言也
則又曰公疏且至矣已而果至時為謠曰兩京十二部
獨有一王恕於是貴近皆側目帝亦頗厭若之會南京
兵部侍郎馬顯乞罷忽附批落恕宮保致仕朝野大駭

既歸名益高臺省推薦無虛月孝宗即位廷臣薦召為

吏部尚書

西樵記云王公為家宰署於門曰宋人言受任於朝者以餽及門為耻受任於外者以苞

苴入都為羞今動曰贄儀而不羞於人我寧不自耻哉一時帖然使非真誠積久而孚亦自不敢書之適足以

用楨言官多稱恕賢且老宜置內閣叅大政帝曰朕用

蹇義王直故事何必內閣也恕感激眷遇益以身任國

事方以疾在告聞帝頗擢用宦官再執奏竟報許

獻徵錄云

恕在吏部訪海內之士隨器薦用以弼成弘治之治先是中外劾大學士劉吉者

必薦恕以是大恚合私人魏璋等共排之恕知志不

得行連章求去帝輒慰留特免午朝遇大風雨雪早朝

三原縣志

卷之十一

人物

十

亦免徽王見沛乞歸德州田盧溝橋成中官李興乞進

潘俊等官已修京城河橋興復請授四人官五人冠帶

壽寧伯張巒請勲號誥券巒妹壻通政經歷高祿超遷

本司參議御醫徐生超補院判中書舍人杜昌賁綠遷

秩御醫王玉自陳乞進官已得旨恕皆力爭寢之

柴虎臣考

古類編云恕在職裁抑僥倖褒獎名節中貴無敢請謁即舊輔萬安輩有所軒輕亦囁囁不輒撓是時

劉吉罷邱濬入閣亦與恕不相能太醫院判劉文泰往

來濬所求遷官為恕所沮銜甚恕里居日嘗屬人作傳

濬謂其沽直謗君文泰乃許恕傳中自比伊周以彰先

帝拒諫無人臣禮恕以奏出濬指抗言臣傳作於成化

二十五年致仕在二十二年非有望於先帝也帝下泰文

獄鞫之得實置濬不問恕力求去聽馳驛歸廷論叀是

不直濬及濬卒文泰往吊濬妻叱之出曰叀若故使相

公齟王公負不義名何吊為王阮亭池北偶設云邱文

嚴正自其為相則逐三原王端毅公惡莊定恕敷歷中

山欲誅之何其明於論古而闇於立身如此

外五十餘年剛正清嚴始終一致所引薦何喬新章懋

等皆一時名臣賢才久廢者拔擢恐後弘治二十年間

冢正盈朝職業修理號為極盛者恕力也正德三年四

月卒年九十三平居食噉兼人卒之日小減閉戶獨坐

三原縣志

卷之十一

人物

十一

不知也無已于忠肅之任王端毅之直劉忠宣之篤乎
又曰大臣者吾必以端毅為巨擘焉次則劉忠宣孜孜
為國知無不言者端毅也孜計聞輟朝贈特進左國柱

太師謚端毅按經古編云王公群經無所不涉獵尤熟

聖宮雖定議於輔臣張璠其說寔倡於端毅闕理志云

弘治元年吏部尚書王恕請聖廟祀啟聖王叀祀國公

伯繇萊蕪候點泗水侯鯉洙國公孟孫氏配享永年五

子十三孫多賢且顯按明史端毅傳已極詳

見焉

張曉字光曙孝子景之子也成化己丑進士令襄垣多善

政歲凶發倉救饑豐則儲積叀備荒歉邑有虎害至之

明年虎自斃於東門時有清水明鏡之歌擢監察御史
去日民號泣攀崖立祠巡鹺長蘆兼理河道巡按四川
所至汙吏有解印綬去者上書論萬貴妃事同列讀其
詞皆縮舌上笞而釋之陞湖廣僉事施州彝亂眾莫敢
往曉請行曰此不可叀兵加當叀德動之至則宣朝廷
恩威不費一鏃亂者感服遷河南副使時河決于黃陵
岡泛汴宋齊魯間奉命督役凡疏導幾千里河復故道
叀聞錫綵段寶鏹晉按察司陳州有告毆死少年者三
年莫能決曉閱屍圖驚曰安有少年齒豁者乎訊之果
捕少年存其屍一老乞嫗也事遂白人稱神明未久

三原縣志

卷之十一

人物

十二

叀母憂歸卒

谿田通志

王承裕字天宇端毅公第七子七歲能詩賦十五掇莆田
莆生學遂深造二十作太極動靜圖說爲名卿傳誦成
化丙午鄉舉完婚自著婚禮用中呈父執而行之恕賔
吏部令日接賔客叀是用知天下賢才選用無不當弘
治六年成進士時端毅致仕即歸養正德間任兵垣出
理山東河南屯田減登萊糧額三畝徵一斗還青州彰
德軍田先賜王府者三百六十餘頃武宗立屢遷吏科
都给事中會劉瑾專權群臣多出其門裕獨遠之上疏
乞進君子退小人及諸不法事罰未輸塞上再遷太僕

卿會上於內殿教習武事乃預爲之備一日將大閱降旨用戰馬五萬裕即吹應命大臣驚曰方旨下懼倉卒無備何處之裕如耶抑此外尚有餘馬耶裕徐曰尚餘四萬耳咸嘆服陞南京太常卿宸濠作亂欲趨南都裕分守通濟門有逆黨潛選兵甲藏郭內將應賊裕覺之按吹極刑後賞功陞戶部右侍郎却其舊用公堂銀千兩言官論禮部尚書席書賑濟事不明往勘功罪昭然帝手書公平正直褒之嘉靖六年爲南京戶部尚書奏准天下罪犯贖金俱納粟穀吹備賑濟清厘私充官機匠四百餘名歲省糧四千八百餘石逋稅一百七十萬

三原縣志

卷之十一

人物

十三

石積羨銀四萬八千餘兩在部三年致仕先是以進士歸養作宏道書院與羣弟子講理學闡宗旨受業者率多名儒卒年七十四謚康僖

此以明史參之
谿田通志

張原字士元三原人正德九年進士授吏科給事中疏陳汰冗食慎工作禁貢獻明賞罰廣言路進德學六事可言天下幅員萬里一舉事而計臣輒告匱民貧故也民何以貧守令之裒斂中臣之貢獻為之也比年軍需雜輸十倍前制皆取辦守令守令假以自殖又十倍于上民既困矣而貢獻者復巧立名目爭新競異號曰孝順取于民者十百進于上者一二朝廷何樂于此而受之

人君馭下惟賞與罰邇者庸才厮養莫不封候腰玉哉
足不出門而受賞身不履陳而奏功禦敵者竟未沾恩
覆軍者多至逃罪此士卒所由解體也疏八權倖惡之
傳旨謫新添驛丞嘉靖初召復兵科仍加俸一級南寧
伯毛良殺其子錦衣掌印指揮朱震等多違縱原先後
論之皆奪職閒住帝進張鶴齡昌国公封陳萬言太和
伯世襲授萬言子紹祖尚寶丞又以外戚蔣泰等五人
為錦衣千百户原抗疏極言請行裁節未幾劾建昌候
張延齡強占民地定國公徐光祚子外戚玉田伯蔣論
昌化伯邵蕙家人擅作威福事雖不盡行權貴皆震懾

三原縣志

卷之十一

人物

十四

進户科石給事中以議大禮撼門哭再被杖創重卒貧
不能歸葬久之都御史陳洪謀備陳原與毛玉裴紹宗
王思王相胡瓊等妻子流離狀請恤於朝不許隆慶元
年贈光祿少卿明史本傳原號玉坡叅議曉之子在新添驛
時學者爭負笈以從居八年日與從游之士講論經義

不輟前志

雒昂字仲俛號三谷幼受業王康僖之門康僖每奇之謂
馬谿田曰此子心純志篤他日光吾道者也嘉靖癸未
進士授太常博士擢吏科給事中未三年疏凡數十奏
劾都御史汪鋹迎合張孚敬黨奸害忠宮禁火乞修省

世宗以羽士張鶚金贊仁陞太常少卿極言不可乞收
成命直聲著聞出為四川僉事歷河南布政使考最天
下第一陞河南巡撫奏議條陳期月間乃六十上徽藩
不道服用僭越取民間嬰兒以啖虎子用張士連劉世
賢諸人日習騎射截劫人財襄城巨寇劉元李綱役令
府中知鈞州陳吉以索木不與鎖項批頰昂為劾奏被
逮廷杖斃闕下後徽藩事敗隆慶三年六月恤贈戶部
侍郎賜祭葬文曰淮南王之克慝已誅汲長孺之忠誠

宜錄云載通志

此以雜氏
家乘更訂

溫純字希文

明史作
景文

幼為諸生凝重不苟言笑事親孝出

三原縣志

卷之十一

人物

十五

天性學本孫淮海端精一一貫之旨嘉靖四十四年進
士知壽光縣殲巨寇馬天保墾田勸耕決獄一本經術
時以河役費多有劾大司空者行勘衆莫敢任純請行
覈得其情羣議遂息擢給事中隆慶三年穆宗既禫除
猶不與大臣接純請遵祖制延羣工決章奏報聞屢遷
兵科都給事中倭陷廣海衛大殺掠去總兵劉燾以戰
却聞純劾燾欺罔時方召燾督京營置不問黔國公沐
朝弼有罪詔許其子襲爵純言事未竟不當遽襲中官
陳洪請封其父母純執不可言官李己石星獲譴疏救
之趙貞吉更營制三各統一大將復命文臣三人分

督之時號六提督純以政令多門極陳不便遂復舊制
俺答請貢市高拱之議許之純謂弛邊備非中國利出
為湖廣叅政捐贖鍰拒武崗王之行賄亂宗者遂乞歸
萬歷初拱去用薦起河南叅議分部南陽約唐府無侵
民徭賦境內輯寧入貳冏鄉移太常陟棘署而晉光祿
面規張江陵奪情之非忤意歸江陵歿復起守舊官累
擢巡撫兩浙改漕折減織造復陂池葺泮宮禁淫祀養
孝子順孫義夫節婦獎廉褒忠人情大悅入為戶部左
侍郎督倉場母憂去起南京吏部尚書召拜工部尚書
父老乞養歸終喪召為右都御史礦稅四出純極論其

三原縣志

卷之十一

人物

十六

害不報諸閹益橫所至剽奪汚人婦女四方無賴奸人
蠱起言利中外爭請罷帝悉置不省純等憂懼不知所
出乃倡諸大臣伏闕泣請帝震怒問誰倡者對曰都御
史純帝為霽威遣人慰諭曰疏且下乃退已而卒不行
妖書事起大索長安疏言楚宗無反狀請會議而事之
始決御史于永清按陝西貪懼純奏舉與都給事中姚
文蔚比而傾純純疏發永清交構狀語頗侵首輔沈一
貫給事中陳治則鍾兆斗皆一貫私人先後劾純御史
湯兆京不平疏斥其忘純求去章二十上杜門九閱月
帝雅重純諭留之三十二年大計京朝官純與吏部侍

卽楊時喬主之一貫所欲庇者兆斗及錢夢臯等皆在
謫中疏入久之忽降旨切責仍留被察科道官而察疏
仍不下純求去益力夢臯兆斗連章訐純且誣以納賄
廷臣大駭爭劾夢臯等俱留中時喬稱純公忠清正誓
之天日誰得而私南京給事中陳嘉訓等極論二人陰
有所恃朋庇作奸當亟斥之而聽純歸以全大臣之體
帝予純致仕夢臯兆斗亦罷純清白奉公五主南北考
察澄汰悉當肅百僚振風紀時稱名臣歸而孝友敦睦
賑荒義舉篤厚鄉里卒贈少保天啟初追諡恭毅此以明史
通志鄒元標按恭毅疏稿劉燾為兩廣總督云總兵誤
賜諡傳參定

三原縣志

卷之十一

人物

十七

雒遵字道行涇陽籍三原人嘉靖中進士仕吏科都給事
中神宗初卽位馮保竊權帝御殿保輒侍側遵言保一
侍從之僕乃敢立天子寶座文武群工拜天子耶抑拜
中官耶欺陛下冲幼無禮至此遵乃大學士高拱門生
保疑遵受拱指遂謀逐拱遵疏留中尋劾兵部尚書譚
綸因薦海瑞吏部尚書楊博稱綸才詆瑞迂滯疏遂寢
頃之綸陪祀日壇咳不止御史景嵩韓必顯劾綸衰病
張居正素善綸而馮保欲緣是為遵罪因傳旨詰嵩必
顯欲用何人代綸令會遵推舉遵等不敢俱貶三秩調
外遵得浙江布政司照磨保敗屢遷光祿卿改右僉都

御史巡撫四川罷歸卒

明史 于仁傳 雜

雒于仁字少經遵長子也萬歷十一年進士歷知肥鄉清
豐二縣有惠政十七年入為大理評事疏獻酒色財氣
四箴以諫神宗震怒會歲暮留其疏十日明年正旦召
見閣臣申時行等於毓德宮手于仁疏授之帝自辨甚
悉將寘之重典時行等委曲慰解見帝意不可回乃曰
此疏不可發外恐外人信以為真願陛下曲賜優容臣
等即傳諭寺卿令于仁去位可也帝乃領之居數日于
仁引疾遂斥為民久之卒天啟初贈光祿少卿事詳明
史疏箴見藝文前志云被廷杖削籍歸田與明史引疾
三原縣志 卷之十一 人物 十八

斥為民不合并存之

來復字陽伯萬歷中進士少穎悟過目不忘殿試擬鼎甲
三日以一字悞不果起家戶部主事陞郎中提學四川
值奢酋亂後考校從寬士子頌之治饑潁州游客山人
親故靡不周旋人人以為親已兵備揚州天啟七年秋
日巡塩御史率僚屬為魏闡建祠蠲吉上梁擎香鵠立
俟復至同拜未幾復一帆競渡衆拭目俟之不意別趨
海州矣衆銜之尋闡敗得免於禍叅藩大梁遷山西右
布政使治兵雲中北虜邀賞數萬騎突至城下戎服登
陣指揮戰守凡七日夜虜退惓惓借餉修戰無奈司農

告匱憂憤成疾卒於官錢牧齋列朝詩集祢其詩文敏
捷如風爲人重氣誼廣交道琴棋劍器百工技藝無不
通曉周櫟園尺牘藏弄集又謂於女工刺繡亦皆精妙
温自知曰古之人祢其詩文書畫奕琴方脉諸絕技而
不祢忠孝大節蓋不知公者也

按通志前志考之不詳茲叀諸書參之

按不拜魏祠見鄭鄴詩序王鐸尺牘而明史闕鳴泰
傳云方建祠揚州將上樑熹宗哀詔至旣哭臨釋纒
易吉相率往學復之不拜必在是時而史失書之

李衛公靖贊

唐 呂 温

有隋之諸群盜熾藝金精下射猛毅感激李公矯矯從此

三原縣志

卷之十一

人物

十九

奮跡躍於中原王者則獲壯士不死唐威載赫帝曰汝傑
致天之罰手付金鉞俾往試遏不庭則殺如飀發發如火
烈烈催枯爍雪應鼓如截遠若荆巫儉若江湖莫不率從
莫不震恭車書混同氣稜蕩空衛候之功功則維何威明
惠和策勇駕智長驅仁義仁義曠蕩帝王之將萬古曷瞻
鐵山巉巖

祭三原王文公

明 濟南

李攀龍

于 麟

嗚呼不天下叭仁而孰與爲大臣不天下叭度而孰與爲
大人方公之守維楊也饑饉薦臻溝壑斯民爰發廩庾不
竣報章炯瘵者身蓋已沒長孺之倫叭及拊循東南大水

凶歲眾望翕然度蠲賦稅公乃獨持其義而軍國是計陰
以免者十數郡而不億其儷乃闢三塘勺坡與繼川不為
沴是乃仁術遵周之制矣又公之起襄陽也大盜未夷荆
棘王師爰獲渠魁搗其巢穴脅從罔治寔維龔渤海是儀
以至開府滇中獐獠興亂閹豎作頸誅求珍玩公乃匪敵
是求而貪婪是按他莫敢問而恃憲斯憚乃沒郭英王敬
用竄奸不至蔓是稱肅繚維周之翰矣林俟下獄於永昌
寺也則自以其身之去就而延爭乎極言敢諫之士秦絃
罷斥於安遠侯也則身以其國之是非而力挽其甄莽別
慝之風社稷之事知無不言直聲動天下何未免於好名

三原縣志

卷之十一

人物

二十

之議也君子之心焉而不有用舍隨物化亦唯恃乎大道
之為公秉銓孝宗之朝大注以良之眷志在拔奇舉而能
先耿鉅鹿李襄城張莊簡彭惠安何旰江周太原清節宏
猷維時之彥豐芑數世之所培植海內善類之所推薦同
升要地頽俗應變庶元凱之可逢雖異官而同撰懼瓦石
之相含精題才而不援帝曰尚書元氣北斗寔維阿衡豕
豸群后何必密勿陟降左右奏爾訏謨無不自牖其知遇
以隆其業焉以久何二三執政而莠言自口豈不仁者之
未遠而孤立之難乎後哉亦維止兢雖主人之近戚而恩
有所不能私亦惟黨正雖宰相之仇讐而權有所不能施

及至藩郡奉職無狀又未嘗不引咎以爲辭某郭土是式
高山則仰詢諸故舊百蠻是長凡九閱月而疏二十上鬱
重臣不可爲象祇役天官心折前脩簿考中正管彼九流
尚論天造而此其好速番番元老誰適與謀是故先臣李
獻吉有言居則岳訖動則雷擊三原輩出忠良外值大事
斧斷小細海蓄帷幄佞幸請劍必殛斯其存亡禍福臨乎
其前而已凜然有不可犯之色矣蔡介夫亦謂公本治易
涉獵群籍學問益人垂老不實侍講經筵體履特異先未
有是安生憤懣斯其性与天道觀乎其深而已罔然立時
出之地矣而况歷侍王朝天下跂足而望元老燕翼八座

三原縣志

卷之十一

人物

二十一

後進扼腕而言世家美周召於當代謂唐虞其未遐也

贈司馬開府溫一齋先生

新都

汪道昆 伯玉

魚海寧容負國恩龍淵况復寄轅門東隅隨地軍聲震西
掖當年庙略存列戍箸前頒稅甲群裔島外褫遊魂掄知
社稷須公等竚看昇平答自尊

寄司徒一齋溫公

太倉

王忬貞 弇州

太眞名輩許誰如况是追逢有召車全越已收文種治大
農能廢計然書皂囊膽落傳應久白屋神交意不踈欲買
豚肩趨道左恐煩軒冕狎樵漁

贈雒依仲

于仁
號

楊

思 舉人

敢將赤手批龍鱗志在匡君不愛身四海斂容讀諫草九重屈意降恩綸近來天地憂多事此日江湖評有人未可便尋涇水釣溥天重望在天民

人物二

忠烈

金

楊達夫字晋卿耀州三原人泰和三年進士有才幹召補省椽草奏章坐字誤降平涼府判官常主鄠縣簿事一撝簡吏民樂之達天夫亦其山水之勝因家焉日吟诗酒自娛了無宦情會有召徙民東入關達夫与眾行及韶避兵于州地之橫嶺爲遊騎所執將褫衣害之達夫

三原縣志

卷之十一

人物

二十二

挺然直立馬首略無所懼稍侵辱之即大言曰我金國臣子既爲汝所執不過一死忍裸袒以黷天日耶遂見殺兩山潛伏之民竊觀者皆相告曰若此好官異日祠之當作我橫嶺之神

金史本傳

明

焦源清字湛一由進士歷官宣府巡撫七年秋坐萬全衛失守奪官謫戍久之釋還年七十李自成陷關中与撝弟源溥同被執勒令輸金抗節不食七日死

明史焦源溥傳附

年七十始舉一子

表忠記

焦源溥字涵一三原人萬曆四十一年進士歷知沙河濬

二縣考最召為御史熹宗嗣位移宮議起刑部尚書黃克纘請寬盜寶諸閹源溥折之曰光宗神宗元子也為元子者為忠則為福藩者非忠孝端孝靖神宗后也為二后者為忠則為李選侍者非忠貴妃三十年心事人誰不知張差持挺危在呼吸尚忍言哉况當先帝御極之初忽傳皇祖封后之命請封不得治容進矣張差之挺不中則投以女優之惑崔義昇之葯不速則促以李可灼之丸痛哉先帝欲諱言進御之事遂甘蒙不白之冤若竟置弗問不幾於忘父乎李選侍一宮人更非貴妃比如聖諭阻陛下於煖閣挾陛下以垂簾及凌虐聖

三原縣志

卷之十一

人物

二十二

母狀第可求曲宥前辜量從優典而移宮始末不可得而抹搯也盜寶諸閹不可得而寬宥也苦竟置諸閹弗問不幾於忘母乎疏上舉朝寒懼天啟二年夏歸服闋還朝出按真定諸府例轉鳳陽兵備副使時崔義昇出鎮西淮欲甘心源溥遂移疾歸崇正二年起故官分巡河東道遷寧武叅政有平寇功就遷山西按察使七年擢右僉都御史巡撫大同時邊事日棘兵缺伍餉又久乏歲洊飢民淘馬糞以食源溥請蠲賑增餉當事不能應踰年自劾求去遂罷歸十六年冬李自成陷關中與從兄源清同被執勒令捐金源溥瞑目大罵賊拔其舌

支解之

節錄明
史本傳

喬巍字維嶽幼從馬墟温無知遊學問淹博踐履篤實待
異母弟極友居異母喪盡哀萬歷己未進士授司農郎
司糧餉山海關清慎勤勞轉叅政出巡川南時奢安二
寇叛巍削平之以事左遷僉都尋擢山西冀寧道叅政
便道過里值逆闖踞西安徵索不少屈與表弟王伯達
僕人王崇德同日被戮時并稱之載通志
黨還醇字子真天啟五年進士授休寧知縣有善政以
父憂歸崇正二年服闋起官良鄉十二月

大清兵薄城督吏民乘城拒守或言縣小無兵盍避去還

三原縣志

卷之十一

人物

二十四

醇毅然曰吾守土吏也去將安之救兵不至力屈城
破與教諭訓導典史驛丞并死焉事之父老覓還醇
屍得之草間赤身面縛体被數鎗群哭而殮之事聞
贈光祿丞予祭葬有司建祠官其一子

明史
本傳

張耀字融我萬歷中舉人嘗從學温恭毅之门知聞喜
縣慈惠撫民民為立祠崇正初歷官貴州布政使張
獻忠死其部將孫可望李之國等率衆奔貴州耀急
言於巡撫請發兵民守禦巡撫以衆寡不敵難之俄
賊衆奄至耀率家衆乘城拒繫城陷被執賊帥與耀
皆秦人说之曰公若降當用為相耀怒罵不屈執其

妾媵怵之曰降則免一家死耀詈益甚賊殺之並其家

屬十三人明史本傳

秦三辅字陆海萬厯戊午舉人令新成值吳橋兵變直

攻新城三辅率眾守埤夜以繼日賊眾城破著衣冠

北叩云臣力竭矣惟有損身以報陛下耳被刃而死

載通志

孫璜字用謙由歲貢仕塩山教諭癸丑春

大清兵至左右促璜與知縣同出走璜曰臨難苟免何叭為臣

乃偕令手劍臨城埤分垣守己而城陷璜遂自縊塩

山士民私謚曰忠愍載通志

三原縣志 卷之十一 人物 二十五

石隆字長卿號映昆文学朗第也年舞象即能作賦騎

劣馬一茶頃馳五十里挾弓抽矢如戲俎豆讀書十

行俱下尤精史傳家貧好施嘗周友人之急捐千金

不顧也癸未成進士憤時政撰上書為權貴所遏賊

入秦請由宣大扼險據居庸為上防河守太原不失

中策若遏固關最下督師李建泰竟出下策遂憤鬱

成疾避地江南甲申五月聞北都陷痛哭數日不語

不食三日死湖口友人劉湘客經紀其喪學古堂集

布政張公輓歌 本朝番禺 釋今種 一靈

貴陽城崩誑巷戰布政張公奮刀箭手提銀印血模糊冒

陣一呼天地變憐賊神勇欲降公泰山自擲鼎鑊忠奮罵
一軍皆辟易舌如電光不敢食大夫羞於賊同生妾媵歡
然爭死敵願為良臣安可得殺身成仁亦何益腐內如山
魂袒裋白晝賊忠猶盪擊

人物三 勇略

北周

毛遐字鴻遠三原人曾祖天爰之州刺史始昌子傳至遐
四世不絕正光中蕭寶夤討關中諸賊以遐為府長史
寶夤敗還長安三輔騷擾遐因辭還北地於第鴻賓聚
鄉曲豪傑東西略地民羌多赴之共推鴻賓為監主既

三原縣志

卷之十一 人物

二十六

而賊帥宿勤買奴自號京珉王遐於鴻賓縱兵追擊七
柵皆平後寶夤搆逆謀遐知之乃寄書於鴻賓索馬迎
接復於馬祗柵建祺鼓以拒寶夤攻其將盧祖遷禽之
詔授遐南幽州刺史又攻破其將侯忠德寶夤內外知
勢異輕騎走巴中孝武帝入關稍遷驃騎大將軍儀同

三司卒 北史本傳

毛鴻賓遐弟狀貌頗異昆季之中尤輕財好施及賊起常
與遐一守一戰後拜岐州刺史明帝以鴻賓本兄所之
處多乃改北地郡為北雍州三原縣為建忠郡以旌其
兄弟後尔朱天光自關中還洛鴻賓領鄉中狀武二千

人以從拜西兗州刺史羈寓巷游之輩四座常滿鴻賓
資給衣食與已悉周轉南青州刺史未幾徵還季武帝
與齊神武有隙令鴻賓鎮潼關車駕西幸糗乏絕鴻
賓奉獻酒食迎於稠桑武帝把其手曰寒松勁艸所望
于卿仍留守潼關北史毛
毛鴻頭位散騎常侍遐乳母所產也遐養之為弟因姓毛
氏勁悍多力後隨諸兄戰鬪多先鋒陷陣大統四年為
廣州刺史鎮東陽陷東魏卒毛遐
附

唐

劉宏基雍州池陽人按唐書地理志三原少以蔭補隋右

三原縣志

卷之十一

人物

二十七

勲侍大業末從高祖攻下西河宋老生敗棄馬投塹宏
基斬其首拜右光祿大夫師至蒲先濟河下馮翊為渭
北道大使命殷開山副之西拘扶風眾至六萬南渡渭
次長安故城隋將衛文昇來拒時諸軍尚未至宏基最
先勝高祖悅賜馬二千匹京師乎功第一授右驍衛大
將軍討薛舉戰淺外原入總管軍皆沒惟宏基軍一力
戰矢卷為賊拘帝以臨難不屈優護其家仁果平始克
歸官之如初劉武周犯太原從秦王屯栢壁以勁率二
千由隰州趨西河躡賊歸路賊銳甚宏基堅壁儲勇及
宋金剛遯走率騎尾之介休與王合擊大破之累封任

國公從繫劉黑闥還除并鉞將軍會突厥患邊督步騎
萬人脩塞自邠北東拒子午嶺西抵臨涇築障遮虜貞
觀初李孝常等謀反坐與交除名為民歲餘起為易州
刺史復封爵召授衛尉卿改封夔國公以老乞骸為輔
國大將軍太宗征遼召為前軍大總管戰駐蹕有功累
加封戶至千一百卒贈開府儀同三司并州都督陪葬
昭陵畱形凌烟閣諡曰襄子仁貴襲封節錄唐書本傳

元

楊子江龍橋鎮人元世祖攻襄陽不克子江用炮擊破其
城取之官封便宜都元帥獲國進義武莊公通志

三原縣志

卷之十一

人物

二十八

仇敏字好古甘肅行省照磨提舉都城所副使歷奉元路

總管封南陽郡侯

通志

明

溫編恭毅弟也修幹岳立為諸生有聲序庠會寧夏變亂
改從戎萬歷中守脩漢南潔已奉公明而能斷郡邑有
訟咸就剖焉居鄉時恭毅建橋施粥築兩城修學宮早
夜經營傾囊解衣以成之

本朝

梁加琦字玉鉉安塞人入籍三原成童時喜韜略及長
技勇絕人順治元年由將材隨入固山攻取太原屢

膺前鋒陝督孟喬芳奇其才薦授遊擊三年以姚黃
張獻忠等殘蜀大兵追勦爾王檄加琦駐略陽餽運
川餉時糧道董徵應招買河西一帶動叭萬計加琦
會知縣王業泰請脩倉廩一百間叭儲之選船數百
艘叭運之數載蜀平晉副將十七年率攻川東擒
斬為總兵陳貴榮等康熙元年奉臺議設總統彈壓
諸軍加琦叭威望特授全蜀勦撫總統八營總兵管
左督都事勦平西山逆寇五年攻取太昌賊袁宗第
搗其老巢茶園坪撫降偽新化伯馮起鳳是年十二
月攻殺逆黨萬餘于巫山賊首劉二庠自縊賊遂坪

三原縣志

卷之十一

人物

二十九

晉秩一品恩蔭有加數年之間攻城蕩寇功莫與比
載通志及漢中府志

來講順治乙丑武進士授鄖撫旗鼓守備南漳賊發率
偏師搗其穴賊解散復單騎諭降萬餘人賊再犯太
和伏兵夜出斬首三百餘遷廣西梧州遊擊

前志

常日暄康熙十四年滇逆方熾慶陽土寇作亂犯涇陽
三原攻馮家堡三晝夜將陷日暄同魏良佐蔣四等
率鄉兵一十八人往授殺賊撤圍數十賊合營并力
衝殺日暄力戰鞭死渠魁並賊黨數人衆寡不敵十
八人俱戰死馮堡全載通志

劉夔公宏基贊

唐 呂 温

夔公崢嶸金虎之精應時而生與運俱行總帝元戎震唐
天聲瞋目張膽前無金城別建龍節中分虎旅啟行萬里
乘氣一鼓劍揮雷霆旆卷風雨先馳咸陽鎮之天府天府
既之唐集大命入揚王庭出權兵柄薄伐獫狁朔風不競
徂征島夷東海如鏡義始忠卒元勳之盛

